



## ДОЛЗАРБ МАВЗУ

# СУВ

# ҲАЁТ УЧУН, ОЗИҚ-ОВҚАТ УЧУН

Бир одамнинг тўйиб овқат емаслиги, кунлик истеъмол эҳтиёжларини қондириш имкониятининг йўқлиги нафақат жамият ёки мамлакат, балки сайёрамиз олдидаги долзарб муаммодир. Афсуски, сўнгги йилларда глобал иқлим ўзгаришлари, аҳоли сонининг ортиши ва дунёда кечаётган кескин вазиятлар сабаб жаҳон озиқ-овқат хавфсизлигига таҳдид кучайиб бормоқда. Маълумотларга кўра, ҳозирги кунда 2 миллиарддан ортиқ одам хавфсиз ва сифатли озиқ-овқат билан таъминланмаган. 2020 йилда пандемия сабаб очликда кун кечираётган одамлар сони 690 миллион кишига етган.



Бу хавфнинг энг катта кўринишларидан бири эса табиий ресурслар, хусусан, сув масаласи билан боғлиқ. Қургўқчилик, чўлланиш, ичимлик сув танқислиги, аллақачон, кўлаб давлатларда глобал муаммага айланган. БМТ маълумотига кўра, ҳозир дунё микёсида 2 миллиард киши тоза ичимлик сувдан фойдалана олмайди, 3,6 миллиард инсон хавфсиз санитария шароитига эга эмас.

Аммо ичимлик сувга бўлган талаб кун сайин ортмоқда. Мутахассисларнинг тахмин қилишича, сўнгги 40 йил ичида сув истеъмоли ҳар йили қарийб 1 фоиз кўпаяди ва ўсишда давом этади. 2030 йилга бориб, аҳолининг тоза ва оқова сув билан таъминланганини кўлаб-қувватлаш учун БМТга ҳар йили 600 миллиарддан 1 триллион долларгача маблағ зарур бўлади.

▶ Давоми 3-бетда

## БИЗ ВА ДУНЁ

# МДҲ САММИТИ: КўП ТОМОНЛАМА АМАЛИЙ ҲАМКОРЛИК САМАРАДОРЛИГИНИ ОШИРИШ ЙўЛИДА

Ўзбекистон Президенти Шавкат Мирзиёев 13 октябрь куни Бишкек шаҳрида бўлиб ўтадиган Мустақил Давлатлар Ҳамдўстлиги Давлат раҳбарлари кенгашининг навбатдаги мажлисида иштирок этади.



Ҳамдўстликка аъзо давлатлар раҳбарлари кўп томонлама ҳамкорлигининг ҳолати ва ривожланиш истикболларини ҳамда халқаро кун тартибдаги долзарб масалаларни муҳокама қилдилар.

Ўзбекистон МДҲ ташкил толаганидан бери савдо-иқтисодий алоқаларни чуқурлаштириш, транспорт-коммуникация тармоқларини ривожлантириш, тенг ҳуқуқли ва ўзаро манфаатли асосда иқтисодий алоқаларни мустақамлаш тарафдори бўлиб келмоқда.

Ҳамдўстлик доирасида Ўзбекистон унинг низоми (Давлат раҳбарлари, Ҳукумат раҳбарлари, Ташқи ишлар вазирлари ва Иқтисодий кенгашлар, Парламентларо Ассамблея) ҳамда тармоқ тузилмалари фаолиятида фаол иштирок этади. Хусусан, "Йўл хариталари"ни амалга ошириш доира-

сида мамлакатимиз 24 та соҳавий ҳамкорлик органига қўшилди, натижада МДҲнинг 86 та органидан 65 та тармоқ тузилмаси фаолиятида Ўзбекистон иштирок этмоқда, уларнинг мақсадли вазифалари миллий манфаатларга жавоб беради ва Ўзбекистон томонининг қизиқишини тасдиқлайди.

2017 йилдан бошлаб Ўзбекистон Ҳамдўстлик доирасидаги фаолиятини сезиларли даражада фаоллаштирди. Ўзбекистон Президенти Шавкат Мирзиёевнинг 2017-2022 йилларда МДҲ Давлат раҳбарлари кенгаши йиғилишларидаги иштироки ақунлари бўйича имзоланган ҳужжатлар ва Ўзбекистон томонидан илгари сурилган 100 дан ортиқ ташаббуснинг ўз вақтида ва тўлиқ бажарилишини таъминлаш мақсадида "Йўл хариталари" қабул қилинган.

▶ Давоми 2-бетда

## ЁШЛАРГА ОИД ДАВЛАТ СИЁСАТИ

Кўҳна ва навқирон Самарқанд замини шу кунларда яна бир шухўдди тадбирга мезбонлик қилмоқда. Президентимиз ўтган йили 13 октябрда Қозоғистон пойтахти Остона шаҳрида бўлиб ўтган юқори даражадаги халқаро форум — Осиёда ҳамкорлик ва ишонч чоралари бўйича кенгашининг VI саммитида глобал муаммолар хусусида тўхталиб, турли ёшдаги инсонлар ўртасида бир-бирини яхшироқ тушунишга даъват этадиган, фарзандларимизнинг энг долзарб муаммоларига биргаликда ечим излашга кўмаклашувчи янги формат — авлодлар мулоқотини йўлга қўйиш таклифини билдирган эди.

# ИШОНЧ ВА ДЎСТЛИК глобал муаммолар ечими ёшларни бирлаштиради



Шу ташаббус асосида ёшлар сиёсати соҳасидаги ҳамкорлиқни кенгайтириш, Осиёда ҳамкорлик ва ишонч чоралари бўйича кенгашга аъзо ва кузатувчи мамлакатлар ёшлари ўртасида ўзаро дўстлик алоқаларини мустақамлаш мақсадида Самарқанд шаҳрида ёшлар кенгашининг VI йиғилиши, Ёш лидерлар форуми ва унинг доирасида "Авлодлар мулоқоти"нинг биринчи учрашуви ташкил этилди.

БМТ, Ўзбекистон Ёшлар сиёсати ва спорт ҳамда Ташқи ишлар вазирликлари, шунингдек, Осиёда ҳамкорлик ва ишонч чоралари бўйича кенгаш (ОҲИЧК) ўтказётган форумдан асосий мақсад давримизнинг долзарб муаммоларини ёшлар манфаати нуқтаи назаридан ўрганиш, радикаллашувга йўл

қўймаслик, ижтимоий ривожлантириш, илм-фан, таълим ва меҳнат ҳуқуқларини, атроф-муҳит ва инсон саломатлигини муҳофаза этиш, маънавий-ахлоқий қадриятларни асраб-авайлаш масалаларига алоҳида эътибор қаратишдир. Шунингдек, ёшларнинг ҳуқуқ ва қонуний манфаатларини таъминлаш, салоҳиятини юксалтириш, гоё ва ташаббусларини ҳар томонлама қўллаб-қувватлаш масалалари бўйича фикр алмашиш, бу борада тавсиялар ишлаб чиқиш учун турли давлатлар ёшларини бирлаштириш, мамлакатлар доирасида ёшлар сиёсати соҳасида кейинги ҳамкорликнинг асосий йўналишларини белгилаш ҳам форум кун тартибидан урин олган.

▶ Давоми 5-бетда

## МУНОСАБАТ

# ЯНГИ ЎЗБЕКИСТОННИНГ ЖОЗИБАДОР БРЕНДИ

Инсон борки, дунё кўргиси, турфа халқлар маданияти, урф-одати, яшаш тарзи билан танишгиси келади. Қизиқувчанлик, янгиликка интилиш, сайру саёҳат одамзод тийнати, фитратини сийратига сингиб кетган. Шу маънода, туризм барча замон ва маконларда энг сердаромад, камхарж ҳамда истикболли соҳа сифатида тараққий этиб келмоқда.

Янгиланаётган Ўзбекистонда ҳам сайёҳлик тармоғини ривожлантириш мамлакат иқтисодиётининг локомотиви ўлароқ кўриляпти. Сайёҳларни жалб қилиш ва улар учун зарур инфратузилмани яратиш масаласига давлат сиёсати даражасида қаралаяпти. Кейинги етти йилда соҳага оид ўнлаб фармон ва қарорлар қабул қилинган, давлатимиз раҳбари раислигида қатор видеоселектор йиғилишлари, учрашувлар ташкил этилган сўзими-исботи.

Кунни кеча Президент Шавкат Мирзиёев раислигида ўтказилган видеоселектор йиғилишида ҳам туризм ва маданият масканлари имкониятини тўлиқ ишга солиш, "Яшил макон" умуммиллий лойиҳасининг



кузги мавсумини ташкил этиш масалалари кенг муҳокама қилинди. Мутасаддиларга зарур топшириқ ва кўрсатмалар берилди.

Туризм ва маданият масканлари имкониятини тўлиқ ишга солиш, "Яшил макон" умуммиллий лойиҳасини изчил давом эттириш масалалари бир йиғилишда муҳокама қилинган бежиз эмас. Чунки сайру саёҳат, асрий анъаналар, сирли маданиятлар, гўзал табиат, соф экология, мароқли ҳордиқ чиқариш тушунчалари бир-бири билан чамбарчас боғлиқ ҳамда бири бошқасини тақозо қилади. Уларнинг бирисиз иккинчиси тугал бўлмайди, ўз жозибadorлигини йўқотмайди.

Шу боис, давлатимиз раҳбари бу тушунчаларга яхлит нуқтаи назар билан қараб, уларга доир барча масалаларни комплекс ҳал этиш, ривожлантириш бўйича устувор чора-тадбирларни белгилаб берди.

▶ Давоми 2-бетда

## ТАҚҚОС ВА ТАҲЛИЛ

# "МУСИҚА САДОЛАРИ ОСТИДА" ИШЛАШ ШАШТИ

## ЧИҚИНДИЛАРНИ ЙИГИШ ВА ҚАЙТА ИШЛАШНИНГ БУГУНГИ ҲОЛАТИГА БИР НАЗАР

Ҳар кун шундай манзара кузатилади: кўп қаватли уйлардаги хонадонлардан турли хилдаги чиқиндилар салафан халтада олиб чиқилиб, сараланмай бир контейнерга ташланади. Бу ерга келган махсус машина контейнерлардаги чиқиндини ортади ва навбатдагиси томон йўл олади. Ҳовлилар жойлашган маҳаллаларда эса, бу манзара сал бошқачароқ. Махсус машиналар ҳафтасига икки-уч марта кўчалар оралаб юрганда, қаттиқ сигнал чалиб, келганини билдиради. Ҳар ким ўз ҳовлисидаги чиқиндини олиб чиқиб, унга тўқади.

Экология, атроф-муҳитни муҳофаза қилиш ва иқлим ўзгариши вазирлигининг яқинда эълон қилган хабарига кўра, чиқинди ташувчи машиналарнинг эрталаб баланд овозда сигнал чалиб келиши аҳолининг эътирозларига сабаб бўлган. Шу боис, чиқиндиларни сигнал усулида эмас, мумтоз ва енгил мусиқа садолари остида олиб чиқиш бўйича Тошкент, Қашқадарё ва Бухоро

вилоятларида тажриба ўтказилмоқда. Ҳар бир ҳудудга биттадан махсус машина ажратилиб, аҳолига унинг келгани ҳақида мусиқа орқали хабар берилмоқда. Агар янги усул синовдан муваффақиятли ўтса, кейинчалик бутун республика бўйича жорий қилиниши мумкин.

▶ Давоми 4-бетда

## ЮРТНИНГ ОБОД ГЎШАЛАРИ

# ШАҲАР БИЛАН БЎЙЛАШАЁТГАН ҚИШЛОҚ

Риштондаги Пандигон қишлоғи туман марказидан анча олисда жойлашган. Маҳалладаги 715 хонадонда 4 мингдан зиёд аҳоли яшайди. Асосан, деҳқончилик ва чорвачилик билан андармон қишлоқда "Обод маҳалла", "Обод хонадон" ва "Обод кўча" мезонлари доирасида бошланган ободлик, бунёдкорлик ишлари янги ҳаёт тарзини олиб кирмоқда.

Бу бежиз эмас. Кейинги йилларда чекка ва олис ҳудудларни обод ва файзли гўшага айлан-тириш, аҳоли ҳаёт тарзи учун муҳим инфратузилма тармоқлари қуриш, таъмирлаш йўлидаги ислохотлар кўлами кенгайди. Қишлоқнинг замонавий хонадонлари, кўча ва маҳаллаларини кўрган киши бу қадар ўзгариб, ўзига хос меъморий ечимларга эга бўлган эски қишлоқнинг янги қиёфасидан ҳайратга тушиб, ҳаваси ортади.

Тор, ўнқир-чўнқир кўчаларга шағал ётқизиш, асфальтлаш, электр, ичимлик ва оқова сув тармоқлари тортиш, пастқам, пахса деворли уйларни янгилаш, аҳоли хонадонларида кундалик ҳаёт учун керакли шарт-шароит яратиш, санитария-гигиена ҳолатларини яхшилашга қаратилган хайрли амаллар оммалашиб бормоқда. Бошқача айтганда, қишлоқнинг ҳар бир кунни ўзгариши ва янгиликларга бой.

▶ Давоми 2-бетда









